


ՌՈՒՍՐՈՅ ՔԱՎԱԺԱՌԱՆԳԻ ՆՆՈՒՆԳԸ

Յուլիսի 30-ին երկնային Նախախնամութիւնը մի նոր և մեծ ապացոյց տուեց իւր ամենառատ ողորմութեան դէպի Ռուսիան և նորա կայսերական տունը: Այդ օրը ծնուեց Ռուսաստանի թագաժառանգը, որը ներկայ պատերազմի և արիւնհեղութեան ժամանակ երեաց իբրեւ մի ծրածան և ուրախութեամբ լցրեց կայսերական տան հետ կապուած հաւատարիմ հպատակների օրտերը:

Գարաւոր սովորութեան համաձայն մեծամեծ շնորհներ բաշխուեցան գահւորի բարձրութիւնից Ռուսաստանի չքաւոր ժողովուրդին, զանազան յանցանքների համար դատապարտուածներին և այլն և այլն և որ ամենազլխաւորն է՝ վերացուեց մաւմնական պատիժը, որը ճորտերի ազատութիւնից յետոյ ամբողջ 33 տարի մնացել էր Ռուսաստանում, կարծէք անընդհատ յիշեցնելով ռուս խեղճ և խաղաղասէր գիւղացուն այն սեւ օրերը, երբ նա աղանականի և կալուածատիրոջ համար ոչ թէ մարդ չէր մարդկային արժանաւորութիւններով և հոգով, երբ նա ոչ միայն ծեծոււմ և տնտեսւնի չափ աշխատում էր այլոց համար, այլ և վաճառքի առարկայ էր, ինչպէս գեղեցիկ կերպով նկարագրել է անմահ Գոգոլը իւր «Мёртвые души» աշխատասիրութեան մէջ, և փոխոււմ էր բաղէների և որսկան շների հետ: Թէև ազատարար Ալէքսանդր II մեծ կայսեր շնորհիւ ազատուել էր ռուս գիւղացին ճոր-

տութիւնից, բայց և այնպէս դեռ նրա պատիւն ու ինքնասիրութիւնը հաշուի չէր առնուում, անտանից մեծ չէր համարուում նրա հոգեկան յատկութիւնները և նրան փոխանակ՝ իբրեւ բանաւոր արարածի՝ խօսքով հասկացնելու իւր պարտքն ու իրաւունքը, հարկաւոր էր համարուում ծեծը, մտրակը գիւղական հրապարակներում և կային ծեր ազնուական հրապարակախօսներ (Мещерский, Комаровъ), որոնք առանց մարմնական պատժի չէին կարողանում ըմբռնել ռուս գիւղացուն, որոնք կարծում էին, որ մտրակն ու մութիկը միասին են ծնւում և միասին էլ պէտք է մեռնեն:

Թագաւոր կայսեր ամենաողորմած հրամանով վերջապէս վերացուեց ռուս գիւղացու գլխին կախուած անպատուաբեր մտրակը և նա էլ վերջնականապէս ազատուեց խաւար ժամանակներից և ճորտութիւնից մնացած ժառանգութիւնից: Նա երբէք չի մոռանայ, որ նորածին ժառանգի առաջին մանկական ճիշդ առիթ եղաւ մարդասէր և գեղեցիկ քայլի և միշտ կաղօթի, որ նա զօրանայ և զարգանայ և նրա կեանքի ընթացքում յառաջագիմի և ծաղկի Ռուսաստանը մտաւորապէս և բարոյապէս, և հաստատուն քայլեր անի քաղաքացիական հաւատարմութեան և ազատութեան ճանապարհի վրայ, և երբէք առիթ չունենայ խախտելու ընդարձակ Ռուսիոյ աշխատող ազգաբնակչութեան բարգաւաճման համար այնքան անհրաժեշտ խաղաղութիւնը, և ներկայիս նման սրով և արիւնով պաշտպանելու իւր քաղաքական շահերը:



ՊԱՇՏՕՆԱԿԱՆՔ

Ա.

Թագաժառանգի ուրախառիթ ծննդեան առթիւ վեհափառ Հայրապետն իւր ուղարկած շնորհաւորական հե-